



# Gij Nyapnyuk Gou

## 我的烦恼

Gij nyapnyuk gou couh dwg “biz”. Aenvih daiq biz, daihgya cungj heuh gou guh “duzg vibiz”.

Miz baez ndeu, lauxsae heuh gyoengqdou buet, gou dwg boux daih— it buet, hoeng cix dwg boux cei doeklaeng buet sat. Vihmaz ne? Aenvih gou biz, ngamq buet ndaej buenq gien, gou couh baeg yaek dai lo.

Gyoengq doengzhag ndang mbaeu lumj roegenq, bouxboux cungj mauh— gvaq gou—gou dwg boux cei loeklaeng. Buet sat le, lauxsae vix gou naeuz: “Boux doengzhag neix gvaq—dauj mbat he.” Gou ganjgip buet daengz baihnaj lauxsae, lauxsae cam gou: “Mwngz vihmaz boux daih’ it buet, dauqfanj cei doeklaeng buet sat ne?” Gou cingq yaek gejnaeuz, dinglingling roengzdangz lo. Lauxsae naeuz: “Ndei lo, gaej yungh gejnaeuz lo, baezwnq haeujsim di.” Mwhde, miz geij boux doengzhag gvaqdaej riu gou: “Buet ndaej gig ndei ha, ‘duzg vibiz’!” Gangj sat, gyoengqde couh riuhaha buet bae lo. Dingqnyi

doengzhag riu gou, ndaw sim gou gig hojsouh ha.

Lij miz baez ndeu, gou caeuq sam boux doengzhag caez bae youzlozyenz guhcaemz. Dou daujdaengz giz ci—doxbungq, Siujcwnz naeuz: “Raeuz song boux naengh aen ci he, yiengh—neix ndaej mbaet cienz youh guhcaemz ndaej angq.” Dou cungj doengzeiq lo. Ciepdkw, dou couh baen baenz song cuj cawx ndei biuq, moix gvaq ci naengh song boux vunz. Hoeng gou baez hwnj aen cidoxbungq bae, daengx aen dieгнаengh cungj deng gou ciemq liux lo, caiq hix mbouj miz giz dieg hoengq hawj lingh boux naengh lo. Gou mbouj ndei eiqseiq

doiq Siujcwnz caeuq gou naengh haenx naeuz: “Caen doiq mbouj hwnj, mbouj miz dieg naengh lo, mwngz caiq bae cawx mbaw biuq he ba?” Siujcwnz yungh lwgda riu gou haenx yawj gou naeuz: “Ndei ba, ‘duzg vibiz’!” Gangj le couh riuhaha bae cawx biuq lo.

Aenvih gou biz, mwh caeuq daihgya youq doxcaez, cungj mienx mbouj ndaej deng gyoengqde riu. Ndigah, gou roengz gietsim, itdingh gemjbiz! Gou yaek guh daengz lai yindung, noix gwn noh, lai gwn byaekheu, daj bouxbiz bienq baenz bouxbyom, vutvak gij nyapnyuk “duzg vibiz” daiq hawj gou haenx bae!

(haj nienzgaep Couh Yigunh)

## Doekfwn Lo

下雨了



Banringz, gwnzmbwn sawqmwh raemh—fubfub, fwj ndaemndatndat, daxgoeng daeng—ngoengz mbouj rox buet bae gizlawz ndoj hwnjdaej lo.

Rumzhaeng bongjhuhu, nyefaex deng bongj dwk bi bae bi dauq, lumj fatbag diuq fouxbibuengq nei. Boux liz ranz gyawj haenx ganjgip aeu fwngz dangj aen’ gyauej, gipgip muengzmuengz buet ma ranz; boux liz ranz gyae haenx, cijndei ndoj haeuj bouqgaicawx henzgyawj bae. Ranz gou hix nyaengqnyatnyat

lo, daxboh daxmeh ganjgip sou buh dak baihrog haenx haeuj ranz, gou dawz batva gwnz yangzdaiz hix buen haeuj ranz dauj, daxgoeng daxbuz gven gij cueng ndaw ranz liux bae lo.

Ngamq yaepyet, rumzhaeng couh daiq gij fwnznaed dauj lo, “bibi baba” doek roengzdaej, aenliengj boux byaij loh deng ci dwk doeng ngeng sae mbieng, ceng di gaem mbouj dawz lo. Boux mbouj miz liengj cijndei dawz aendaeh ndaw fwngz cuengq dinggyaeuj dangj fwn. Fwn gig vaiq couh deihyadyad lo, yaep he couh bienq baenz fwnraq raixhumhum roengzdaej. Dingjranz ciengqgo “biba biba”, gwnz liengj hix hai sing ciengqgo “dingdong dingdong”, geijlai nauhyied ha!

Fwn daej ndaej vaiq, bae ndaej hix vaiq. Mbouj geij nanz, mbwn rongh lo, aennaj daengngoengz loh okdaej lo. Gvaq yaep ndeu, bien mbwn sawqmwh miz duz doengz he, gyaeunde raixcaix. Rumzliengz ci dauj, hawj vunz gamjdaengz gig cwxcaih, vunzhung byaij okdaej sup hoengheiq singjsien, gyoengq lwnyez youq gumz raemx ndawhough guhcaemz angqvauvau.

Ciengz fwn neix daiq hawj vunzlai liengzsangj, caen dwg ciengz fwn ndei he ha!

(ngeih nienzgaep Leiz Yensinh)

## Danghnaeuz Gou Miz Gonj Saenzbit He

Danghnaeuz gou miz gonj saenzbit he  
Gou yaek veh doiqda ronghsag he  
Soengq hawj gyoengqvunz dafangz  
Hawj gyoengqde biek gij fouznaih ndaw laepngau bae  
Yawjraen aen seiqgyaiq gak saek gak yiengh

Danghnaeuz gou miz gonj saenzbit he  
Gou yaek veh mbangj yw yienghyiengh yw ndaej he  
Soengq hawj gyoengqvunz baenzbingh  
Hawj gyoengqde biek gij haemzhøj binghdot bae  
Gvaq hwnj saedcej vuenyungz angqyangz

Danghnaeuz gou miz gonj saenzbit he  
Gou yaek veh dahsien sienhsoh gyaeunde he  
Ra raen gyoengqvunz yakrwix  
Hawj gyoengqde swiq cingh uqat ndawsim bae  
Dauq guh bouxvunz simndei simcingh

(haj nienzgaep Cangh Sinhyih)

假如我有

一支神笔



$$42 \div 5 = 8 \dots 2$$



## Mbouj Ndaej Yawjsiuj Soqlw

不能小看余数

Ndaw ranz cawzfap miz boux ndeu heuh soqlw, gingciengz deng lingh sam boux soqcawz, soqdengcawz caeuq soqsieng (couh dwg soq cawz ndaej okdaej haenx) yiemzmbwq, naeuz de dwg “diuzrieng iq”. Cinglingz suyoiz lwnh daihgya: “Sou gaej yawjsiuj soqlw bw, de ndaej bang siujbaengzyoux gaijgez haujlai nanzdaez.” De baez vad gaiqfaex cijveih de, couh okyienh diuz daez ndeu:

**Ndaw gyausiz ngeih (1) ban venj miz mbangj heiqgiuz he, ciuq henj, heu, lamz, aeu, nding haj cungj saek swinh gonqlaeng baizlied, itgungh miz 42 aen heiqgiuz, aen heiqgiuz baiz cei doeklaeng dwg saek gijmaz?**

Sam boux vunz ndaw ranz hainduj nyaengq dwk suenqsoq,  $42 \div 5 = 8$  (cu)  $\dots 2$  (aen). Gyoengqde lij dindh mbouj ndaej aen heiqgiuz daih 42 dwg saek gijmaz. “Gizsaed yawj soqlw couh rox lo.” Cinglingz suyoiz naeuz, “Heiqgiuz dwg ciuq 5 cungj saek guh cuj ndeu miz gvildw baizlied, ginggvaq suenqsoq, dwg 8 cuj lai 2 aen, moix cuj aen daihngaih dwg saekheu, ndigah aen daih 42 couh dwg saekheu.”

Soqlw dwg 1— saekhenj, soqlw dwg 2 — saekheu, soqlw dwg 3 — saeklamz, soqlw dwg 4 — saekaeuj, mbouj miz soqlw — saeknding. Daj mwhhaenx hwnj, gyoengqde doiq soqlw lingh da yawj lo, mbouj caiq yawjsiuj soqlw lo.

(Sih Lingzlingz)